



**Sud Bosne i Hercegovine**  
**Sud Bosne i Hecegovine**

---

Broj: S1 3 IŽ 038399 20 IŽ  
Sarajevo, 28.10.2020. godine

Sud Bosne i Hercegovine u Sarajevu, u Apelacionom upravnom vijeću sastavljenom od sudija Mirsade Džindo, kao predsjednika vijeća, Srete Crnjaka i Vesne Trifunović, kao članova vijeća, odlučujući o žalbi Nikole Šurlana, ul. 17. Aprila 12/2, Bratunac, Bosna i Hercegovina, izjavljenoj na odluku Centralne izborne komisije Bosne i Hercegovine, broj: 05-1-07-1-997/20 od 01.10.2020. godine, o utvrđivanju i objavi broja birača upisanih u izvod iz Centralnog biračkog piska za glasanje izvan Bosne i Hercegovine za Lokalne izbore 2020. godine, na nejavnoj sjednici održanoj dana 28.10.2020. godine donio je

**R J E Š E N J E**

**Žalba se odbija.**

**O b r a z l o ž e n j e**

Odlukom Centralne izborne komisije Bosne i Hercegovine, broj i datum navedeni u uvodu, utvđen je i objavljen broj birača upisanih u izvod iz Centralnog biračkog spiska za glsanje izvan Bosne i Hercegovine za Lokalne izbore 2020. godine, na kojem spisku se nalazi i žalitelj.

Žalitelj je protiv navedene odluke blalgovremeno izjavio žalbu navodeći da je neko zloupotrijebio njegov lični dokument i prijavio ga za glasanje putem pošte iz Srbije. Ističe da je njegova adresa stanovanja u ul. 17. Aprila 12/2, Bratunac, te moli da mu se omogući da glasa redovnim putem.

Centralna izvorna komisija Bosne i Hercegovine dostavila je ovom Sudu odgovor na žalbu u kojem je predložila da se izjavljena žalba odbaci kao nedopuštena ili odbije kao neosnovana.

Ispitujući pobijanu odluku u okviru žalbenih navoda vijeće Apelacionog odjeljenja Suda Bosne i Hercegovine je zaključilo da žalba nije osnovana.

Prema stanju u spisu Centralna izborna komisija BiH je prije donošenja ožalbene odluke, a prilikom razmatranja prijave dostavljene dana 29.08.2020. godine na ime žalitelja, utvrdila da je dostavljen obrazac prijave za glasanje izvan BiH za Nikolu Šurlana uz koji je dostavljena kopija lične karte za imenovanog. S obzirom da je prijava za glasanje izvan BiH ispunjavala sve uslove propisane odredbom člana 3.15 Izbornog zakona BiH žalitelj Nikola Šurlan se nalazi na izvodu iz Centralnog biračkog spiska za glasanje izvan BiH iz Srbije.

U cilju potpunog i pravilnog utvrđivanja činjeničnog stanja, imajući u vidu da je navedena žalba dostavljena putem e-mail-a, da ista nije potpisana i da žalitelj nije dostavilo niti jedan dokaz kojim bi potkrijepio navode iz žalbe, Centralna izborna komisija BiH je zaključila da se radi o zloupotrebama biračkog prava, te da žalba nije osnovana.

Naime, u konkretnoj situaciji nesumnjivo se radi o zloupotrebi biračkog prava, međutim, Centralna izborna komisija BiH na osnovu raspoloživih činjenica nije bila u mogućnosti utvrditi ko je počinio zloupotrebu biračkog prava za glasanje izvan BiH, jer je zloupotreba mogla biti učinjena, kako od strane žalitelja, tako i od strane trećih lica. Međutim, u svakom slučaju žalitelj će biti u mogućnosti da iskoristi svoje biračko pravo i da po želji glasa na svome redovnom biračkom mjestu u Općini Bratunac, u Republici Srpskoj.

Žalitelj će, ukoliko na dan lokalnih izbora 2020. godine dođe na redovno biračko mjesto određeno prema njenom mjestu prebivališta, biti omogućeno da glasa nepotvrđenim kovertiranim glasačim listićima (član 5. 18 Izvornog zakona BiH) koji će biti potvrđeni i prebrojani u glavnom centru za brojanje, s tim da će Centralna izborna komisija BiH u glavnom centru za brojanje izuzeti glasački materijal dostavljen eventualno i iz inostranstva na ime žalitelja i isti neće biti ponovo prebrojan, a sve u cilju spriječavanja zloupotreba biračkog prava i omogućavanja ostvarivanja biračkog prava biračima kojimna ono zaista pripada.

Prema odredbi člana 5.18 Izbornog zakona BiH, ako se ime birača ne nalazi na izvodu iz Centralnog biračkog spiska zato što se birač upisao u Centralni birački spisak da glasa izvan zemlje, a vratio se da glasa lično u Bosni i Hercegovini, njegovo ime dodaje se na poseban obrazac koji sadrži sve podatke kao i izvod iz Centralnog biračkog spiska. Birač se potpisuje na izvod i ima pravo glasati nepotvrđenim kovertiranim glasačkim listićem, u skladu sa odredbama ovog zakona.

S obzirom na navedeno, Apelaciono vijeće je ocijenilo da se pobijanom odlukom, Centralne izborne komisije BiH ne povrijeđuje biračko pravo žalitelja.

S obzirom na navedeno, po ocjeni ovog vijeća, pobijana odluka Centralne izborne komisije BiH je pravilna i zakonita, a žalba neosnovana, pa je istu, primjenom odredbe člana 81. stav 1. Zakona o upravnim sporovima BiH („Službeni glasnik BiH“ br. 19/02 – 74/10) valjalo odbiti.

PREDSJEDNIK VIJEĆA  
S U D I J A

Mirsada Džindo